

Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

§. 12. Actus diversarum virtutum ante Missam.

urn:nbn:de:hbz:466:1-10805

Jesum Christum, quem misisti. Dissipa confilia impiorum, ne quidquam officiant regno tuo, & propagationi gloriae tuæ; & libera fideles tuos de manibus filiorum alienorum. Sanctifica Ecclesiæ tuam, quam plantavit dextera tua: affter ab ea omnia scandala, dissensiones & schismata; ut tandem aliquando fiat unum ovile, & unus Pastor. Da Summo Pontifici nostro, cunctisque Praelatis, ut oves sibi commissas fideliter pacant fructu orationis, exemplo bonæ conversationis, verbo prædicationis, subsilio charitatis. Sit perpetua in illis oneris sibi impositi consideratio, & Sacerdotio fungantur sine reprehensione. Reformata omnes Ecclesiasticos ordines, ut & ipsi luceant coram hominibus, sitque in eis virtutum decus, splendor sanctitatis. Reduc omnes Religiones ad fervorem & perfectionem, in qua fuerunt institute, da superioribus zelum disciplinæ, subditis obedientiam, ut professione suâ omnes digni inveniantur. Da prædicatoribus vocem virtutis, ut à coeno peccatorum quam plurimos educant, & ad timorem & amorem tuum perducant. Illumina sapientiâ tuâ omnes Reges, & Principes, cunctosque Magistratus, ut subditis sibi populis iustitiam fideliter administrent, pacem diligent, Ecclesiæ venerentur, mandata tua custodian, & de hostibus sanctæ fidei te protegente triumphant. Defende fideles tuos à fame, peste, & bello, à persecutionibus & calumniis, à cunctis periculis & adversitatibus, ab omni accessitate corporali & spirituali, ab omni angustia & calamitate: & illós adjuva quos affligi & tribulari permisisti, ut omnes sibi misericordiam tuam sentiant adfuisse. Ne finas eos labi, qui in periculo & occasione peccandi versantur: eosquè conserva quos gratiæ tuæ pretiosissimo munere locupletasti. Adesto agonizantibus, ut verâ contritione purgari & amore tuo succensi diaboli insidias evadant, & à damnatione perpetua liberentur. Memento tot miserabilium peccatorum, qui in foveam peccati mortalis infeliciter lapsi, sine ope tua iudee emergere non possunt, & da illis auxilium efficax, ut surgant & resipiscant. Omnibus item inimicis nostris charitatem & dulcedinem tuam benignus infunde; & libera nos à malorum insidiis. Da illis, quos ego offendii aut scandalizavi, veniam peccatorum & veram emendationem. Omnes autem amicos & benefactores, consanguineos & affines nostros illustra gratiâ tuâ, succende amore tuo, ut te solum querant, te solum dillicant, omnique

tempore opera illorum plena inveniantur in oculis tuis. Da huic Congregationi, ad quam me vocare dignatus es, bona spiritualia & temporalia, nosque & illa administra & dirige, ut cultus tuus & animarum salus hic semper vigeat, crescat, & perseveret. Custodi omnes mihi commissos & commendatos: & pro quibus orare debeo, precipue verò N: & N: rege, & salva eos iuxta benefacitum tuum, ut nemo ex illis pereat. Succurre omnibus, pro quibus me orare tu vis, & ego nescio: protege servos tuos omnes, qui te maximè diligunt, quamvis eorum numerus & nomina ignorem: iustis autem tepidis & imperfectis auge fidem, spem, charitatem, auge fervorem, ut ad culmen perfectionis citè perveniant. Respice benignis oculis animas in Purgatorio detentas, illas praesertim, quæ suffragiis nostris magis indigent, & da illis requiem sempiternam. Mei denique memento omnium miseritimi & indigentissimi, qui gratiæ tuae auxilio vanè majori præ cæteris egeo, quanted infirmior sum & impotenter. Extingue in me omnia terrena desideria, & ignem tui amoris accende. Dirige me in veritate tua, & da finalē perseverantiam, Per Christum Filium tuum, cui tecum & cum Spiritu Sancto est laus & honor in secula sæculorum. Amen.

S. X I L

Actus diversarum virtutum ante Missam

FIDEI

Quis mihi det, suavissime Jesu, ut sub canido specierum Sacramentalium velamine vultum tuum intueri possim, in quem desiderant Angeli prospicere? Quis mihi det, ut patcante mihi fontes saluberrimi quinque vulnerum tuorum, quæ oculis fidei in tuo corpore cerno, fontes aquarum viventium in ablutionem peccatricis animæ meæ? O venæ salientes in vitam æternam, effundite super me aquam gratiæ, quæ sitim meam satiet, ut gaudio repletus, & fide vivâ imbutus exclamen cum Thoma Apostolo, Deus meus & Dominus meus. Credo enim firmissimâ fide te in augustissimo Sacramento corporis & sanguinis tui verè præsentem esse Deum meum, & Dominum meum; & pro hac

hac assertione millies mori paratus sum. Credo, inquam; quod in hoc Sacramento corpus tuum glorioſissimum verè adeſt, Sole ſplendidiuſ, electum ex millibus, cum ea integritate, pulchritudine, maiestate, quā in Cælo exiſtit, & quā nulla major concipi potest. Ibi dem eſt ſanguis olim pro noſtra omniumque ſalute effusus. Ibi eſt anima omni gratiā & ſapienția plena, in qua ſunt omnes theſauri virtutum & ſcientiæ Dei. Ibi denique latet Divinitas tua, Verbum ſcilicet omnipotens, per quod Pater dicit omnia: & quia tu in Patre, & Pater in te eſt, adeſt etiam Pater te Verbum ſuum generans; adeſt & Spiritus Sanctus uiriusque nexus & amor. Hoc eſt compedium omnium mirabilium tuorum, hoc ſummi prodigium, omnium creatarum mentium captum excedens, haec veritas infallibilis, quam te largiente per gladios & ignes proſitebor.

S P E I.

IN te ſolo ſpem meam colloco, dulciſſime Iuſu, quia tu ſalus & virtus mea, tu refugium & firmamentum meum, tu fons omnium bonorum. Quomodo enim auderem hoc tre mendum Sacrificium Deo Patri offerre, teque in eo uifcipere, niſi fiduciam tu mihi præberes, qui me tuo ſanguine redemisti? De tua igitur benignitate conſiſus accedo ad te, ut ovis merbita ad Paſtorem, ut infirmus ad Medicum, ut reus morti obnoxius ad Advocatum; ut tu me foveas, protegas, corroboreas, & ſaines. Abyſſus nihil mei abyſſum invocat bonitatis tuae, nam licet peccata mea plurima & graviflma ſint, ea tanen nihil ſunt, quamvis plura & graviora forent, ſi cum misericordia tua, & pretio ſanguinis tui conſeruantur. In ipſo reuofita eſt tota fiducia mea, & gaudeo quod nihil in me ſit, in quo poſſim confidere. Miferere mei, & ſalva me, qui nunquam deſeris ſperantes in te.

CHARITATIS.

OQuanta vis amoris cor tuum ſuccedit, amantilime Iuſu, cum tranſiturus de hoc mundo ad Patrem menſam parati nobis habentem omne delectamentum, & omnem ſaporem luavitatis. Grande quidem fuit & admirabile opus amoris tui, quod naturam no-

ſtram auſſumere dignatus eſis; ſed longe præſtantius & mirabilis eſt, quod corpus tuum in cibum, & ſanguinem in potum reliqueris: in illo ſiquidem noſtrum uifcepisti humanitatem, in hoc tuam largiris Divinitatem. Sic totum theſaurum gratiæ tuae in nos effudiſti, ut immensa hāc dilectione præventi amoris vi cem tibi rependere totis viribus ſatagamus. Amo itaque te unicum meum ſolatum in hoc exilio, unica ſpes languentis animæ, unica mea felicitas, & ſummi bonum quo in terra frui licet. Amo te toto corde, tota mente, tota virtute: atque utinam omni momento te ferventius ſemper amarem! Hoc eſt ardens deſiderium meum, huic feruntur gemitus mei, & ſuſpiria cordis mei. Ad te enim trahis omnes vires animæ meæ, dum teipſum tranſfundis in me: dum, quantum fieri potest, me ſimilem tui facis: dum eſurientem animam meam non cibo aliquo terreno, ſed prelioſo corpoſe & ſanguine nutris, ſatias, & ſaginas. Pro hāc tua ineffabili largitate amo te, Deus meus, & nunquam ceſſeſi amare te, amore in meum teipſo inflamma, qui eſca & pabulum amoris es. O ignis jugiter ardens, & nunquam deficiens, ure renes meos & cor meum, ut ardeant amore tui. Ignem veniſti mittere in terram, accende illum & eventila, ut ſemper crescat. Te enim amabo, ſi amandi vires præbueris, & eō amplius amabo, quod uberiorem amandi gratiam infuderis: nunquam tamen te amabo, ut di gnus es.

DESIDERII.

Quemadmodum deſiderat cervus ad fontes aquarum, ita deſiderat anima mea ad te, Salvator meus Domine Iuſu: deſiderat, inquam, anima mea accedere ad te, teque offere Deo Patri, ac de fontibus ſalvationis tuae vinum laetificans in gaudio hauiſte. Sitio enim Domine, laſſatus in via iniquitatis, ſitio Deum meum venam aquarum viventium, ſitio ſanguinem tuum, quem mihi in potum mirabiliter tribuifти. Ad te venio, & clamo poſte, liberator meus, eſuriens & ſitiens: miferere mei Fili David, & da mihi panem tuum, da vinum quod miſcuifти, ut refocilletur anima mea. Atque utinam poſſem omnium Sanctorum affectus & inflammatia deſideria habere, teque ſemper ſitire fontem vite, fontem ſapiențiae, fontem aeterni lumenis, torrentem voluptatis.

Bb 2 Utinam

Utinam te semper esuriat cor meum panem Angelorum, refectionem animarum sanctorum; & dulcedine saporis tui repleantur viscera animæ meæ. Renuit consolari anima mea, donec suscipiam te omne bonum meum, Domine Jesu, quem solum ardentissime concupisco cum omni affectu & devotione omnium electorum tuorum tecum epulantum in mensa tua, quorum divitias offero tibi in supplementum inopiaz meæ. Esto tu solus gaudium meum, tranquillitas mea, refectio mea, & thesaurus meus, in quo mens mea quiescat. Nihil desiderem extra te, & omnia mihi vilescant præter te, Deus meus dulcedo mea, & unicum centrum cordis mei!

GRATITUDINIS.

Quis sum ego, bonitas infinita, ut me sacris Altaribus altare volueris, tibique offerre de donis tuis sanctum sacrificium, hostiam immaculatum? Unde inveni hanc gratiam in oculis tuis, ut ostenderes in me divitias misericordiae tuæ? Venite & audite omnes Angeli & Sancti Dei, & narrabo vobis, quanta fecit Dominus animæ meæ. Nam cum essem abjectus in domo mea, de pulvere erexit me, & constituit me cum Principibus populi sui ut comederem panem & biberem vinum in mensa sua omnibus diebus vitæ meæ. Quas ergo tibi gratias agam, Clementissime Jesu, Salvator Mundi, aut quid retribuam tibi pro omnibus quæ tribuisti mihi? Verè enim de te sponso Ecclesiæ illud Canticorum intelligitur. Si dederit homo omnem substantiam domus suæ pro dilectione, quasi nihil despiciet eam. Tu omnia quæ habes mihi largitus es, corpus, sanguinem, animam, & divinitatem tuam: & si ego tribuam tibi omnem substantiam domus meæ, corpus, animam, & libertatem cum omnibus, quæ nunc habeo vel habere possum, hoc quasi nihil reputabitur comparatione immensi, & inæstimabilis doni tui. Tantum tibi debo, quantum ipse vales, qui infinitus es: quare debitum meum omnem meam facultatem excedit. Audeo tamen rogare te, quia benignus, & misericors es, & tu nosti paupertatem meam, audeo rogare te, ne despicias munusculum, quod tibi offero in simplicitate cordis mei dicens cum sponsa, Dilectus meus mibi, & ego illi. Nam sicut tu totum te mihi tradidisti in nutrimentum animæ meæ; ita ego me totum servituti tue

consecro, & quidquid habeo, quidquid sum; quidquid possum, tibi penitus trado, ut me totum tibi vendices, nec quicquam mei mihi patiaris superesse.

TIMORIS.

Ad mensam convivii tui à te vocatus & invitatus, Domine Jesu, summum bonum meum & felicitas sempiterna, parere quidem vocanti vellem, teque amanter & devorè suscipere; sed contremisco valdè, cum meam intueor fœditatem, contremisco à voce Apostoli tui dicentis: Si quis manducaverit pane hunc & biberit calicem Domini indignè; reus erit corporis & sanguinis Domini. Mira enim res est, & portento simillima. Pascor cœlesti Pane, quo saturari possunt infiniti mundi: potor præclarissimo vino, quo ardentissima Angelorum sitis extinguitur; & fame ac siti areco: omne Cœli gaudium intus fero, & terræ illecebri irretiri non desino, vanaque solatia à creaturis emendico: ad Deum excelsum, fontem omnium bonorum quotidie accedo, & sub specie panis & vini ipsum quotidie sumo; & non solum non rapior cum Paulo in tertium Cœlum, sed terra totus adhæreo, omnisque mea sollicitudo terræ famulatur & corpori, nulla Cœlo. Hæ sunt angustiae, quæ me undique premunt, hæc constringatio mea magna nimis. Vereor enim, ne, quod in salutem constitutisti, in judicium & condemnationem accipiam. Nunquid ergo fugiam à facie tua cum impio Cain, aut abscondam me cum Adamo, eò quod nudus sum, & audierim vocem tuam? Absit. Scio enim, quia major est misericordia tua, quam miseria mea: major est clementia tua, quam iniquitas mea. Si foedus, si infirmus, si nudus sum, tu me potes mundare, sanare, vestire. Ad te igitur cum timore & tremore confugio, ut me vestias, sanes, & purifiques. Abstrah cor meum à ceteris omnibus extra te, in quibus nihil est nisi vanitas & afflictio spiritus. Sentiat mens mea dulcedinem præsentiae tue: gustet quam suavis es, ut amore tuo capta nihil querat extra te, Deus cordis mei, & pars mea Deus in æternum.

HUMI-

HUMILITATIS.

Imense, tremende, potentissime, & in comprehensibilis Deus, quis es tu, & quis sum ego, ut digneris venire ad me, mecum epulari, & mansionem apud me facere? Heu quanta est dignatio tua, quanta miseria & ingratitudo mea? Tu Rex Regum, & Dominus dominantium, qui respicis terram, & facis eam tremere: tu fons sanctitatis, coram quo Angeli non sunt puri: tu Sol claritatis aeternae, qui lucem habitas inaccessibilem: ego vero animal immundum, omnium calamitatum ludibrio expositum, insanis perturbationum motibus agitatum: omni vanitati subjectum, vas contumeliae, filius irae, & tenebrarum. Et quomodo potest lucis tuae ad tenebras meas esse conventione? Quomodo presumam ad te accedere vermiculus terrae, in quo nullus ordo, sed sempiterminus horror inhabitat? Quia fiduciā coram te apparebo, justissime Iudex, ante cujus conspectum columnæ Cœli contremiscuntur! Longè enim recessi a te, qui tamen ubique es, & miserabilis anima mea, quam tibi in baptismate despontavera, fornicata est cum amatoribus multis, te repudians Creatorem & Redemptorem, ut fallacibus creaturis adhæreret. Tu me segregasti ex utero matris meæ, & vocasti per gratiam tuam, ut lucerem coram hominibus doctrinae & vitae splendore: ego vero in tenebris vixi, non sapiens quæ tua sunt, sed quæ super terram. Tu parasti mihi mensam in dulcedine tua, & suspiravi ad ollas carnis Egypti. Tu potasti me sanguine tuo, & convertisti me ad poculum Babylonis. Verumtamen ego loquar ad te, cum sim pulvis & cinis. Respice servum tuum, & suscipe me, quem tam amanter invitast ad te. Jam enim cognovi, quia sine te nihil sum, nihil possum: & extra te non est salus nec vita. Projice ergo post tergum tuum omnia peccata mea, & amplectere me, quamvis indignissimum gratiam tuam, ad te revertentem, juxta verbum Prophetæ tui dicentis: *Sacrificium Deo spiritus contributus: cor contritum & humiliatum Deus non despicies.*

§. XIII.

Commemoratio Dominicae Passionis ante Missam.

Sæpè dictum est, in hoc incruento Sacrificio cruentum illud, quod semel in Cruce perpetuum est, non verbis, sed reipsa representatione: una siquidem & eadem est hostia, idem qui per Sacerdotis ministerium offert, idem Christus qui immolatur. Sic ut dicitur Agnus occisus ab origine mundi, sed quod mortuus censetur in figuris animalium, quæ in ipsius memoriam manifestabantur: ita non immerito eundem vocare possumus Agnum, qui quotidie occiditur usque ad finem mundi, in hac nimis suæ mortis representatione, quæ duratura est, donec mundus durabit. Ideo Sancti Patres mortis Christi memoriam hoc Sacrificium celebranti super omnia necessariam esse affirmant, dicentes Apostolo: *Quotiescumque manducabis panem hunc, & calicem bibetis, mortem Domini annuntiabis, donec veniat.* Hoc ipsum autem idem Salvator noster præcepit, cum instituto hoc Sacramento ait: *Hoc facite in meam commemorationem.* Quæ verba Seraphicus Doctor sollicitè expeditis libro de puritate conscientiæ, cap. 9. existimat Sacerdotem nullatenus debere Missæ Sacrificium celebrare, quin prius Passionem & mortem Domini commemoret. *Id. inquit,* quod pro meipso retineo, est verbum illius, qui hoc Sacramentum instituit, quem non credo illud frustra protulisse. *Dixit enim;* *Hæc quotiescumque seceritis, in mei memoriam facietis.* Ex quo quidem verbo arguo mihi ipse, quod quoties volo id agere quod ipse instituit, & modo prædicto reliquit, timeo nequam sine remorsu conscientiæ ac præjudicio animæ ad illud posse accedere, nisi præmemorata ipsius instituentis charitate, ac ejus passione & morte, in cuius memoriam perpetuò recolendam, illud Sacramentum debere confici & percipi ipse præclare assertus & injunxit. Sacerdos itaque, cum ad Sacrum faciendum se præparat, fasciculum sibi colligat ex omnibus anxietatibus & amaritudinibus Domini, & inter ubera sua collocet, cordisque medullis inferat, mente & affectu sedulò revolvens omnia tormenta, quæ ille pro salute nostra perpetratus est. Hæc frequenter in ore, hæc semper in corde habeat: & hec sit ejus sublimior Philosophia, scire Christum, & hunc crucifixum. Cum vero ad Altare accessurus est, sic oret ex toto corde.

B b 3

ORA